



**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

46. De Fundamentis perfectæ Humilitatis

---

[urn:nbn:de:hbz:466:1-60091](#)

eum condescendentes, imò ancillam SS.  
Trinitatis humillimam, in hoc gradu  
excellentissimam, post filium huius  
virtutis speculum perfectissimum, cu-  
pit æmulari.

De Fundamentis perfectæ Humilitatis. **XLVI.**

I. Expende i. Fundamentum humili-

tatis, quod est hominem absque  
concurso Dei nihil esse, nihil posse,  
nihil facere, & quidem tam in natura-  
libus quam supernaturalibus, excepta  
sola peccati malitia, quæ solū priuatio  
boni est, nihil est, imò peius nihilo  
est; discurrendo per tria tempora, quid  
homo fuit, est, erit: quid potuit, potest,  
poterit: quid fecit, facit, faciet absque  
auxilio & concurso diuino; quid nisi  
purum, putum nihil? iuxta illud Apo-  
stoli: Qui se existimat aliquid esse, cum  
nihil sit, ipse se seducit. &c: Non sumus suffi-  
cientes aliquid cogitare à nobis quasi ex  
nobis, sed sufficientia nostra à Deo est & il-  
lud Christi: sine me nihil potestis facere. **Gal. 6. 1.**  
**2. Cor. 3. 2.**  
Quā clarè hoc agnouere magni Sancti  
humilitate conspicuit? quantò clarius  
Virgo humillima? Si & tu agnosceres,  
quam falè te vilem agnosceres & de-  
primebas? His expensis excitandus  
affectus propriæ vilipensionis, iuxta  
primum gradum humilitatis.

Iii s II. Ex-

II. Expende fundementum alterum  
humilitatis, quod est, omnia bona  
naturæ & gratiæ habere hominem  
à Deo, à se autem solum peccatum,  
vitiosos habitus, & miserias peccatum  
consequentes ideoque omni contem-  
ptu, illusione, contumelia, iniuria &  
opprobrio dignum; Discurrendo per  
omnia dona quæ habet, de quibus  
omnibus sentiendum cum Apostolo:

*i Cor: 15. Gratia Dei sum id quod sum.* Similiter  
discurrendo per grauiora peccata à se  
commissa, quorum vnumquodque  
cum læserit infinitam Dei Maiestatē,  
an non dignum puniri omni contu-  
milia, quæ vñquam homini illata est,  
aut inferri in hac vita potest, cū iuste  
æternū gehennali puniatur pœna,  
& quidem infra condignum? Quam  
benè & hoc apprehenderunt Sancti  
olim lapsi, in gratiam recepti, imò et-  
iam alij à lapsu grauiori gratuita Dei  
gratia præseruati! *Quis* se nimis  
ab alijs deprimi, contemni, illudi,  
contumelijs vexari, dicere & cogitare  
auderet, si veritatem prædiciorum vi-  
ua fide apprehenderet, crebroque  
memoria versaret? Desiderium omnis  
generis humiliationes, ignominias,  
contumelias submisso animo ferendi,

imò

imò appetendi, iuxta gradum humilitatis.

III. Similiter expende tertium fundatum, quod est hominem, quantumvis magnis Dei donis, & virtutibus praeditum, debere se vilissimum, pessimumque omnium, secundum id quod ex se habet, meritò reputare, infra omnes demittere, & omne bonum quod habet, Deo in solidum asserire, cum ex se nihil sit, possit, habeat, & donis à Deo gratis acceptis melius vti debuerit; Insuper cum gratuita sit misericordia Dei, quod actu omnium miserrimus & pessimus non sit, & minima dona naturæ; & gratiæ non acceperit. Vnde quique meritò de se sentire deberet, quod sentit Apostolus:

Ego sum minimus Apostolorum, & non sum dignus vocari Apostolus. Et quod sentit S. Augustinus: Nisi tu hoc mihi fecisses (præcidens scilicet laqueos peccatorum, tollens occasiones & causas) ego omnia peccata mundi fecisset, Quoniam scio Domine, quod nullum peccatum est, quod fecerit unquam homo, quod non possit facere alter homo, si creator desit, à quo factus est homo. Sed quod non facerem, tu fecisti; quod abstinere, tu iussisti; & quod tibi credere, gratiæ tu infudisti. Quam profundè

penetrarunt hanc abyssum illuminatis-  
simi Sancti, quanto profundi sangu-  
laris illa aquila Virgo beata, quanto  
diuinius tam humilis Virginis humili-  
lus Filius infra omnes se humilias,  
in infinito interuallo omnibus charisma-  
tum prærogatiis vniuersos supergre-  
diens? Tu quoque si hanc abyssum in-  
tueberis, infra omnes etiam abiectissi-  
mos & peruersissimos te, quantiscunq;  
sis ornatus donis naturæ & gratiæ, facile  
deprimes. His ponderatis elicienda  
desideria, infra omnes se humiliandi  
iuxta tertium gradum humilitatis.

LVII. *De actibus humilitatis internis, exter-  
nisque perfectè exercendis.*

I. **E**xpende quomodo actus interni  
triplices (qui sunt; vilem se repu-  
tare; vilem reputari velle; pessimum  
omnium se æstimare, æstimariq; velle)  
perfectè sint eliciendi, nimurum i.  
**L**atè circa omnia obiecta, occasiones,  
modosq; humilitatis exercēdē: quoad  
intellectum & affectum se vilem &  
contemptibilem quoad omnia, omni-  
bus donis naturæ & gratiæ indignum,  
absque Deo nihil esse, posse, facere  
agnoscendo, & sentiendo: se nullo  
honore, fauore, sed omni potius con-  
temptu